山庫全幸

史部

欽定四庫

土書賣中部

詳校官侍講學士臣法式善

編 修臣表 議覆勘 謄 腾 録 錄 監 監 生日馬克軍 生

臣 黄

鐘

次三四年至三 泣方 同聽政暫濟艱難仍以祈廟為期及夫因山之葬 嗣服之初殿下漁恭退託聖功不居皇帝勤請繼之以 日具位臣陳次升謹齋戒裁書昧死上皇太后殿下 上當天心下協人望功施社稷流於無躬皇帝 一皇太后論陳瓘 哲宗确留之際殿下舊獨斷之明斥排其端接 強論集 陳次升 撰

南臨寧神之禮未畢又下手書先復明群三尺之童皆 其詳或欲張大其事而不考其實妄有傳播盖亦未可 宣欲參議哉竊慮官省執事之人或但聞其語而不知 圖報瓘之言雖甚不根然臣採之與論竊謂皇帝恭行 妄論命方下改守軍壘中外相傅聖恩深厚臣下何以 陳瓘風聞不審猶以預政為言皇帝重行貶降以明其 知參預國政非殿下所欲誠出於不得已也近者諫官 仁孝晨省昏定之際萬幾之務慮或以聞而殿下之意

大学习是人子司 陳惶懼之至 荣養之樂不獨保聖壽於億萬斯年而餘光流澤亦足 足以關其應萬務不使以累其中日加撫育之思以事 况殿下自同聽政之初以至復辟之日手書 母降至誠 知也而瓘之言乃得於傳播之妄烏足為盛德之累哉 而以來也謹安社稷為心雅容禁圍粹養天和是非不 勤慰的若日月馬可誣也伏望聖慈不以雖之言為念 以為族系之慶豈不避歟臣之狂聲胃瀆天聽不勝戰 謹 論集

日亦係祠事致齋之日御宴遂移於六日於禮為宜上 詳酌施行取進止 其於的事上帝齊莊嚴潔恐未足以盡志且如今月五 雖曰燒香為民祈福緣歸必作樂登樓觀燈以同民樂 臣伏見今月十五日西致齊之日其日聖駕遊幸寺觀 元遊幸恐當如之臣之管見如此不敢緘默伏望聖慈 上擬宗乞致齋日不作樂劄子

金ケモんと言

一次三日本人子曰 一 自己之私專竊威福之柄若有進擬指定一名除授去 無問言寒畯之士激昂自奮得人為多自後宰執欲任 擇若未當聖意則當肯别行除授德音海發三省奉行 若關一員宰執具人才資任合充其選者數人取自聖 村選推士類其權心常在已而不輕付與自監司以上 不當臺察彈治當是之時威福專在乎上差除至公人 而已及寺監丞而下一切付之吏部用選格差注如有 臣恭惟神宗皇帝待大臣有禮相與以誠至於進用人 謹論集

沸騰此弊不可不革也伏望聖慈紀述神考之志監司 大公至正之道罕聞私謁奔競之風沒熾攀附字執者 メシェノ ビェル・ベード 社稷無窮之福也 有進擢之速特立自守者有留滯之嘆除目一下士論 取不出聖意至於寺監及而下州郡員闕多歸於堂除 格差注如此則大公至正之道開私謁奔競之風息實 已上差除並取聖擇寺監丞而下一切付之吏部用選 第二状

次に日東ムニョ 優便者必以功能進而不為勢要得已授命者必可之 吏部注授州縣員關職位又為朝廷取關其有已授命 臣欲擅鹵權紊亂官制自寺監丞以至主簿既出堂除 **奮差除一出於至公而不緣於私徇元祐以來執政大** 官不為堂除易孤寒之士不附麗之人緣此皆得以自 縣差除一切付之吏部又有選格次第其等差有注授 官大藩知州已上係朝廷選差自寺監丞而下以至州 臣伏都先帝修立官制允釐百工除監司省郎府推判 謹論集

豐官制之初不係堂差州縣差注朝廷更不取關庶使 之人待闕有及一二年又為堂除别差官改易甚為狼 法美意也伏望聖慈特降指揮自寺監丞而下一如元 帝政事差除尚乃因循前日之弊未足以成先帝之良 門悉歸於勢要措紳成有不均之嘆今日朝廷修復先 功能不遺於寒微職任不移於權要 羽當是之時被命公朝拜謝私庭其職任之美者無寒

亦以此侵耗之一端况立法非特如此而已盖將以分 注授皆給全俸所友既多國用益置京師財賦窘乏其 必以昔日為准故省郎而上出於堂除則支全俸寺監 必有法立法必有意非苟然而已經畫官制之初必先 部以選格差注至今不蒙施行臣竊惟神宗皇帝立事 丞而下付於吏部則支折俸令寺監丞而下既係朝廷 會計昔日官吏俸給所費幾何既行官制則制禄萬下 臣近論列乞寺監丞而下除授依官制格一切付之吏

人已日里公司!

釀論集

唇旨令寺監丞而下差注一切送吏部以存官制良法 危之機不在乎他人在人主所操而已夫福威者人主 臣聞天下雖安有可危之理天下雖危有可安之道安 權柄而已其為官擇人誠未見其實也伏望聖慈特降 今三省曾不以是為意其員闕收歸朝廷惟欲增重其 部員關既當則人人無留滯之嘆至公之道由是開矣 宰執之權推奔競之風而使寒暖之士各得以自奮吏 金少し人合言 上徽宗謹名器

行當對唐帝曰無以權屬人又論用人則曰苟自聖擇 五十年間中外無事者特以威德歸乎上姦臣不敢專 矣如漢武帝外勤師旅內耗黎元非有厚德以結民心 所操之柄也權歸於上而不移於下此操之得其道者 禍者以李林甫專權故也夫以漢武之於唐明皇其德 國命故也唐明皇初無失德非有甚過惡卒有播遷之 也得其道則安失其道則危稽之已往其迹班班可見 不甚相遠而安危如此其異者豈非在所操乎昔陳夷

次三日事を言

.謹論集

無不當者誠以至治之要在此有天下者所宜先也恭 使大臣干權任其喜怒之私以害大公之義實天下之 誤思雅於諫省軟敢引此以為龜鑑伏願陛下留神無 所急要在收還威福之柄以立主威以尊主道臣切沐 以加諸若行之不息終之不倦可謂全善矣然今日之 良斤姦佞弛兵革寬刑罰撤無用之臺樹罷不急之工 巧蠲宿逋以恤窮民省採報以防冤濫治天下之具何 惟陛下臨御以來去太甚用中道遠聲色崇節魚進忠

此其子所以垂戒日惟辟作福惟辟作威臣無有作福 上臣和之於下然後君臣之分正矣君倡而臣不和上 臣編以君者制命者也臣者行君之命者也君倡之於 福也社稷無窮之休也 行而下不隨則名分紊亂紀網不立危亡之基實始於

作威臣之作福作威害于而家凶于而國盖謂是也臣

訪開近日睿旨差除三省多方執奏肆行沮格三省欲

ラムビリ事全書 | 横動集

素無善狀今乃特轉太中大夫移師青州原等遷升未 每議政事遂行重責未至貶所即移壽州未幾又除待 有進擬其聖意之必從除目之以下倒置如此臣竊憂 陽也君道也君正於此則天應見於彼故日常明臣侵 委何名如聞皆出三省進擬不出陛下之意臣聞日者 制移知杭州前日聖語墨迹未乾今日除授如此其峻 之至如前給事中冀原以罪去國之日御此當犯贓私 何以示信天下又如中大夫王說年已七十有餘所至

旨所降要在必行三省進擬或可或否悉由聖斷襲原 朔日有蝕之竊謂三省之權太盛君上命多阻而不行 於君陰侵於陽則日有薄蝕之患近者太史預奏四月 臣竊以治天下之道在乎正名分而已名分正則君道 可致 日蝕之應殆以此數伏望聖慈收攬乾剛以正名分容 王說除命特行改正如此則日蝕之異自消太平之基

次正四車とこう

謹論集

子弟而不以為羞良可數也沉冀原進職移守錢塘王 士凤夜以此為憂姦織巧佞之徒來此射利大臣之權 之柄侵人主之權睿古則沮格而不行進擬則堅執而 甲之序亂上下之分虧此不可不慎也今三省專威福 尊而無可陵之漸臣道甲而無過上之强尚失其正尊 必下乾剛坤柔之道未正堂陛高里之勢未分忠臣義 說轉官移守青社既繁兩省從官事干大體命下之日 既重賓客輻凑其門環坐其馬廐而不以為辱奴事其

前奏早賜施行以正上下之分以息奔競之風 威福以定名分訪聞三省大臣日近肆為詭計但避專 再在於臣陛下孤立誰肯為國者乎伏望聖慈檢會臣 不行三省進擬則堅執而必下上下之分未正乞收還 臣近常論奏三省大臣專權威福睿古差除則沮格而 **羣聽驚駭三尺之童皆知其非若不改正則作福作威**

次三日車公野司 端輪集

權之名而陛下每有差除則陽為承行若非所欲則陰

執專權之弊可革矣 横議者特行點責如此則主威可立朋比之風可去室 則與而必發一除授則審而必行敢有不存名分肆為 臣竊以北人通好百有餘年朝廷無北顧之憂邊庭施 之思至矣伏望陛下攬乾剛之威奮神明之斷一出令 漸成威福之柄倒置若不辨之於早則易之履霜堅冰 諭屬官繳駁上以侵凌主道下以竊弄國權砌比之風 上徽宗奏論盗發保州倉

然銷患於未兆天下之福也伏望聖慈特賜指揮施行 皆宜罷去擇其勇武智客之人以代之庶可制勝於未 可守邊東慮其餘州軍守停亦有似此不職難以任事 多是兩屬人戶及草場遺漏燒焚積草数萬不少雖不 伏聞近者保州軍糧倉為城所發般運衛城而出其問 突犯我邊陸守邊之臣若非其人倉卒之際不無敗事 備今遼主新立喜兵好殺人心未服國中未定萬一衝 見賊之主名竊恐是姦細本州並不知覺守停如此安

取進止 金定匹库全書 卷記言

上機宗奏論强盗法第一狀

臣竊惟祖宗仁政加於天下者甚廣刑罰之重改而從

必死之理有可生之道往往不敢告官傍人亦不敢收 計贓應絞者並增一倍贓滿不曾傷人及雖傷人而情 故也行之百有餘年天下安堵近者朝廷改法以强盗 輕者至多惟是强盗之法特加重盖將禁奸究惠良民 輕者奏裁如聞法行之後民受其弊被苦之家以盗無

之家以盗有可生之機無必死之理不敢告官傍人亦 傷人及雖傷人而情輕者奏裁自上條項降之後被苦 施行庶使良民安居取進止 患伏乞睿旨復行强盗舊法所有前件新改係法更不 臣近論奏强盗計贓應絞者贓數並增一倍贓滿不曾 重法地分益甚竊恐浸淫日久養成大寇如胎國家之 捕恐其復還別生儲害賊徒以此益逞免頑聚集為多

罰可減遂不施行此正與臣前所論事意相反也夫有 區區之私見也兹所繫利害甚廣臣所以再演天聽伏 而朝廷不知也是以從官及御史臺亦當論列非獨臣 數少今但不申不捕耳豈真少耶臣恐自此盗賊充斥 盗义申則刑部之数多懼有報復不敢以聞則刑部之 欽定匹庫全書 不敢收捕恐有響復賊盗由此充斥人民不得安居乞 强盗大數比較未行上條已前數少即是賊盗衣息刑 依舊條改正竊聞朝廷於尚書刑部取索諸州軍中到

議議集

取進止 望聖慈博詢事實特行刑改庶使盗賊知懼良民安堵 上徽宗奏論京師强盗

臣竊以京師浩穰之地人物繁彩超盗頗多前後敗稅

賴贓物以為利是以盗賊益熾良民不得安居訪聞盗 官司推輸並不仔細究治贓物惟追其一二寫家悉客 而不問習以成風恬不為怪賊徒賴寫家以有容寫家

欠らりまれる 威各有地分寫家亦有主名捉事之人推鞫之吏往往 謹論集

寢側近賊盗公行殺人無忌州縣縱弛而不問監司忽 法斷遣庶幾可令衰息取進止 金ケモノない 本路體究者臣竊惟贼盗之害良民猶稂莠之害未稼 動在京官司推治賊盗必須追完贓物及窮治窩家依 國家嚴賊盗之法重告捕之賞正為是也今永安縣陵 臣聞御史中丞趙挺之奏河南府永安縣賊盗事見下 知其窟穴但素相交通不肯用心根究耳伏望聖慈嚴 上徽宗奏論永安縣强盗

之法不廢死者之冤可伸取進止 由敗獲慢法官吏無以懲戒日益以甚為害豈細臣欲 罪供報之際若更匿情隱避不以實聞則殺人强盜無 畧而不察尸首暴露道路喧傅挺之論奏朝廷雖已行 久正日草心面了 / 乞特降容古候本路體完到事狀如與挺之所奏不同 即送御史臺與大理寺根究事實重與施行無幾朝廷 下本路體究詣實然監司州縣失職不糾在法自當有 上徽宗奏論陝西羣盗 旗為作

軍贼若非法敵不殺其主將偶然失利之人特與招降 流而為盗伏望客旨特下本路監司安撫司體量上項 之虞內有摩盗之擾為害非細無聞摩盗多是逃軍盖 秋已去餘黨若存西戎乘此之時必來作過外有題敵 |滅本路災傷竊恐流移之人復羣而為盗其勢以熾向 使救護况陝西兵民素甚强悍良於戰勵若不早行撲 臣竊聞陕西諸路羣盗職聚始總一二百人未聞官司 因近來築塞淺攻偶失主將兵士懼罪不敢歸營是以

金少したと言

取進止 或情不可恕則乞嚴命捕盗官司緊行收捕早令盡靜 臣伏聞與德禪院見行修盖者竊以陰陽之書的示吉 上機宗乞罷修與德院狀

欽定四庫全書 萬世之安本朝治平熙寧問欲於英廟潛部修盖禪院 日者以其位宅去方於國音有所不便遂行寢罷元祐 凡有營造必即休而遜咎拾山而從吉所以措天下於 凶以前民用休徵則吉從之谷徵則凶從之古之聖王 識論樣

常假肖肇之名為家户撰墓誌又假肇書受豪户金為 臣伏聞御史中丞豐稷彈劾新除殿中侍御史錢適項 禪院修造以順陰陽之理以為國家無窮之福取進止 託安得忽而不忌之乎伏望聖慈審察休谷特罷與他 紹聖亦復如之况今不止於國音不利而已或聞於陛 忌常人之家猶且避之陛下貴為天子宗社生靈之所 下本命亦有相妨豈宜大與土工廣有建造夫陰陽所 奏彈錢適第一狀

次定の事と重コート 職論作 誌又假肇書受豪户金事今月初四日親奉德音謂假 臣近奏新除殿中侍御史錢通假曾肇名為豪户作墓 則為終身之累詐欺取財在律准盗馬有盗訴之人可 士可究其實若果無耶亦足與通辨明若果有之顯許 任天子耳目之官乎臣欲乞睿旨付外施行取進止 欺取人財物況國家御史之道惟鹹為最重一犯於此 潤筆臣未敢以為有亦未敢以為無令肇見任翰林學 特罷過之除命以警許妄取進止 請於肇而假肇之名為父撰墓誌是謂有欺於父矣又 陛下之任使今錢過父之亡也事之當如其存過乃不 肇名為父撰墓誌者臣獨謂御史之職以糾察官那為 朝廷之事利害有大於此者能保其勿欺乎伏望聖慈 如此其人可知為父撰銘初無利害尚任欺詐而論列 假肇受金之書以播於外是有欺於親戚鄉黨矣所存 已任惟忠實不欺然後能以是為是以非為非而無負

臣近彈殿中侍御史錢適欺許乞罷除命不蒙俞允者 第三狀

誣朝廷當罷適而行臣言若以臣之言為不可用臣安 竊念臣知過之欺詐而不言之罪也知而言之果實不

臣竊以正而不撓乃可以任天下之重公而不私然後 特罷臣之臺職除一閒慢差遣庶安愚分取進止 可更當言責况過今既同量顯是難以共事伏望聖慈 奏彈兽布

とこの事と子可

謹論集

金ケトノと 服天下之心的為反是曷副具瞻伏見右僕射自布性 知布之所職何事玉毀續中則誰之過陛下於容曲貸 票姦邪心懷凶險頃居樞府阿順军臣進用非人大開 仍有進權荷天地不貨之恩臣子之心義當如何而布 邊除費財用如糞壤輕人命如草芥今獨歸罪章博未 臺諫以為心腹不以人材為用惟以爵賞為私思所親 福由已進拔親故羅列京局以為耳目任用門人真之 不圖補報惟務徇私自登室席獨擅國權輕視同察威

亦甚拾權交通實客其門如市且附枝既大必賊本心 者進所疎者退愛之者則留京師惡之者則令補外書 次七四事全生ョ · 禮為集 布在給聖初實與蔡下交結遂申請乞用王安石日錄 疾比德詩刺不平其布之謂乎布既以此自任其子弟 春冬未見行遣訪聞布欲自掩其過又欲為史官之地 修神宗皇帝國史致史官觀望變亂事實多學安石之 善掩蔽神考之美近者諫官論列陛下已令看詳徑涉 私家既盛必危公室古人以為戒陛下其可不念之無

專軟移易臺諫官一事頗為寒心風夜不遑須至再瀆 正布之典刑以謝天下以為社稷無窮之計取進止 堅冰詩戒桃蟲維鳥辨之於早正在今日伏望聖慈特 若更遭延日久監根固基公胎國患其将奈何易若優霜 頗駭羣聽况布之登用方且彌月山威氣歐薰炙中外 恐甥壻葉濟例皆得罪是以稽緩未肯進呈專擅如此 臣伏見右僕射曹布奸山擅國臣已具前疏退而思之

比因人言即行改命而布猶偃然當國不愧乎人楊揚 威莫大乎是尚賴祖廟之威靈陛下之神聖照見底裏 差除執政不得干預宣敢專擅進退之者乎况君者制 寄之權最為親切選任除授繁國重輕祖宗以來每有 用之去取惟已不出聖意進彼退此易於反掌作福作 命者也臣者行君之命者也君倡臣和則名分乃正臣 强上陵則主威不立今布之所忌則移之布之所親則 天聽竊以御史中丞諫議大夫天子耳目之官朝廷委 漁海其

多定匹库全書 有失當量諫官得以論列若容宰相選任門下親眼之 臣竊以朝廷之上萬幾之務其所主行者在乎宰相尚 正布罪以儆有位天下之幸取進止 其終國家安危之基實在此舉伏望聖慈斷而行之特 悍之心已明跋扈之萌可見今日不圖於始異日難制 自若曾匪引咎豈惟不足以儀刑百辟表正四方而凶 人若布言職陰相附會則忠讜之論塞雖蔽之風成矣 第三

而王觀賈易尚握言路重權若陰相結納肆為朋黨陸 聖慈特賜施行取進止 不得與執政官相見有著令祖宗之法安可不守伏望 為右諫議大夫張廷堅為右正言除張廷堅已行罷去 伏見右僕射曾布近薦引門人王觀為御史中还賈易 係史院長官必須相見如有交通何所不至况臺諫官 下孤立誰與為助若有不公誰敢擬議兼修國史宰相 第四

金定正庫全書 如是何以厭服人心伏望聖慈追改觀之除命别有所 恩數加厚夫爵天下之公器人主之操柄其厚薄顛倒 命除授若此是陛下之所任者恩數則薄布之引用者 布之引用在職弱旬未聞補報令因人言則有內相之 忠言謹論展聞入告布則忌之遂改權工部尚書觀乃 士採士議愈日未宜以調豐稷陛下之所任在職累月 臣伏見自布自登揆路首罷豐稷御史中丞引用門人 王覿為代遂致人言有瀆天聽今雖改命又遷翰林學

臣近論列王觀任御史中丞方彌浹旬除龍圖閣學士 授以副朝望取進止 第五

戦所以防微杜漸垂戒於萬世者其以此而已令觀乃 於陵上故聖人作易於坤之初則日履霜於上則日龍 與夫所善之人買之要地相為表裏則强盛不已必至 幾之務操威福之柄其任甚崇其權甚重若任其至親

兼侍講曾筆合依例補郡不家施行者竊以宰相總萬

次定四事全事

融論 集

具辭免如因所請特賜的可不惟有以彰陛下優異之思 亦甚要近况觀為中司未久不宜有此升選筆之補郡 乃布之至親者也雖罷翰林學士猶侍經幄名為改除 右僕射曾布之所善者也雖罷御史中丞猶居翰苑肇 慈檢會臣前奏早賜指揮取進止 自有舊例儻不施行豈得為允兼觀等以非其當據各 又足以分室臣比朋之勢一舉兩得頗協大公伏望聖 第六

之其間亦有可以進擢者然非聖擇思獨歸於權臣之 速是宰相之權有過於陛下矣若以所薦人材資任言 特差除三省或沮難而不行今布之所薦三省除授甚 山園陵使引薦屬官雖有故事合行推思未有賢與不 彌自浹一日之間除目並下物論喧騰以為陛下每有 尚並進職任如此其衆者臣之所不知也况令科廟方 臣伏見右僕射曾布近充欽聖憲肅皇后欽慈皇后山 園陵使回引進屬官蒙等第除授記臣竊惟祖宗以來

大山 Grand Citation

謹論集

貴近臣乎今曾布曾肇乃親兄弟也布為右僕射肇為 臣竊以避親之法者於甲令有官守者悉皆遵京而死 具日檢詳故例比類施行庶允公議取進止 伏望聖慈特賜指揮所有新除且行寢罷候御史臺獄 門奔競之徒益行阿附此不可不慮也兼遗忘欽聖虞 金女工人生 主事御史臺見行推治山園陵使司屬官既是分董一 行事務其間慮有干涉若候獄具然後推賞亦未晚也

次足四車全 基業社稷無疆之福也伏望聖慈持令迴避以遵祖宗 恩以親而不言則害公議祖宗所以立避親之法盖謂 之法取進止 此也陛下方當持盈守成之時宜守而勿失以為太平 令皆所自出尚不中度理當執議捨親而議之則傷私 威福之柄而行命令者也翰林學士職親地近朝廷命 翰林學士不行迴避豈得為允盖宰相任天下之重握 第八 謹論集

清光宣得為允仗望聖慈特令補外以存典故以別嫌 疑不勝幸甚取進止 之近例今日正宜守之不可以廢而筆猶居要職日侍 終之弟韓維以親引嫌悉補外郡此祖宗之故事朝廷 **播神之論亦未俞允謂如富弼韓絳為相弼之塔馬京** 法宜避近因人言肇已罷職而猶進讀經幄兼修國史 臣伏都曾布東釣當國其弟肇又居翰苑委有親嫌在 用以為例吏部既是徇情曲法三省又且雷同不敢誰 天下之擬議哉伏見右僕射曾布用恩例陳乞附文無 行法必自其始然後能服天下之心苟不奉法豈能逃 布之權勢斬引紹聖物條又引元豐間吕希述例申取 元符令已是不許陳乞奏辟吏部明知其不可而畏憚 臣竊以宰執大臣一有動作百辟之儀刑四方之表則 不行而希述又只是勾當儀鸞司即非刑獄職事豈可 廷指揮况元符著令既在紹聖之後前物自是更改

欠三日草主

識論集

出而不可反也洵武前日史院留之朝廷謂其不可遂 以王言如絲其出如綸王言如綸其出如縛言命令 臣伏聞秘書少監節洵武除同修正史與議未允者竊 存法守以清形獄以示大公不勝幸甚取進止 而 きりを 行寢罷今又有此差除衆議籍籍以為命令反覆如此 表裏相助 欲天下之治其可得乎伏望聖慈特賜政正施行 奏彈節洵武 如其請朝廷之上法度不守紀綱 不 JE

文ピロ東全年ラ 一種論集 檢討士人莫不指笑今令同修正史尤非所宜伏望聖 私恩及欲聚飾妻父安石之美故置泊武於史院以備 之惡乎兼洵武學問荒唐衆所共知前日蔡卞報館之 史豈能公心直筆以發揮神考之盛德而不能掩其父 語操心頗僻賦性姦回論事薦人不循分守今洵武修 石子男及其婿蔡卞館職神宗皇帝察見底裏親批聖 為御史中丞專事姦传求媚大臣為安石求賜第薦安 何以明是非别賢愚而取信於天下乎况洵武父館昔

慈斷自宸夷特賜寝罷以允公議 臣近彈奏秘書少監鄧洵武不可同修神宗皇帝正史

不蒙施行須至再演天聽者竊以史官直筆取信萬世

祖宗以來尤為慎重咸平初修太宗皇帝實錄錢若水

憑直筆儻子為父隱何以傳信於後代乎除宗諤不許

指宗跨曰自太平與國以後皆防在中書日事史策本

主其事為起居舍人李宗諤等數人充史官真宗皇帝

ラングンロック ノストラ 得逞其私 年論事不少頗僻為多洵武豈不為父隱乎何以取信 未允伏望聖慈以國史為念特賜追寢除命無使小臣 天下後世前日既已罷之今日又有此差除公議實為 縮之姦传無縮自為御史知雜以至御史中丞凡六七 詞筆繆随不可比擬宗諤一二時亦當時名相非若鄧 朝廷真宗皇帝以此尚不授之史官而洵武人材凡下 餘悉可之且宗諤文學才名顯於一時議論堅正信於

金岁巴尼台言 臣伏見蔡京姦邪凶險陰害善良呼吸摩小交通內外 彈蔡京第一狀

|謹按京職居翰長身為從官委此經握日侍清光可謂 臣察章疏累上朝廷已罷京翰林承旨與論以為京之 過惡甚多而交結近習之罪最大安可以赦令猶寵之 以端殿之職委之以即府之權顯是失刑須至彈奏者

不可思患豫防古人所戒伏望聖慈察京之罪重行貶 無以警官邪以清宫禁以為國家社稷之福不勝幸 京交通如此禁中之事必無不知尚有姦謀何所為而 虚稱其美以僥倖進用陛下既察見底裏議罪如彼其 之事而又使之周旋庇盖前日與章惇蔡卞相濟之惡 輕何足以厭天下之公議况宫禁之中自古以來漏息 之法極為嚴密所以防姦人之窺同慮退生於不測今 原其設心豈徒然哉實欲令其同陛下之起居漏官禁 (職論集

之以端殿之華付之以即權之重部命初下物論尤喧 鼓而顯攻彰大佞之已辨陛下特優禁從未即譴訶界 而弗處巧祠宫而自若肆行忿忮愚弄朝廷如此可容 已彌旬未紫顯責如開京尚懷偃蹇不體恩私慢君命 謂姦惡之免誅有典刑而何賴臣聞斯議當具奏彈令 狀著聞中外交通蹤跡可驗言章優上天鑒難逃宜鳴 臣伏見新除端明殿學士知永與軍蔡京凶邪肆害罪 第二狀

責以副朝望 臣惟哲宗皇帝仁民愛物出於天性紹聖以來垂拱仰 孰不可忍伏望聖慈**檢會臣僚前後章疏付外重行**無 第三状

美者極力主張真之顯要有議其妻父之短者指為訴 次足里和全 既行凶焰日熾竊弄賞罰私報思雙人有譽其妻父之 下備位政府陰肆姦謀造朝奏對專務殘忍殺害巧計 成責任宰執是時降授中大夫行少府監分司南京祭 龍為焦

置散投荒尚為寬典今猶分務仍居善地何以懲姦伏 先棄逐近雖責降未厭人心咸調下之過惡質與惇等 下之所共知也陛下入承大統判別忠邪灼見姦凶率 誘宗廟置之深罪其所進用若非妻黨之小人即是門 事主行雖在章博下實故之時人目之為笑面夜义天 詳理訴編類章疏洗垢索瑕中傷士類或輕或重皆出 已意或投之遠方或陷之深僻毒流天下實不忍聞其 下之姦吏更唱送和相倚為重造作事端屬成冤獄看

Mr. Moral Mitalia				望聖慈重行黨責以謝天下
				原責
德論集				以謝天下
4				
<u> </u>				
		:		

-- ---

金少世人 謹論集卷三 卷三

資任可充其選者而後人無得而議令希哲碌碌常材 文學無取陰補入仕元祐間日大防與其父日公著相 待天下之儒士為之貳者未易其人每有除授必學問 臣近彈奏新除秘書少監吕希哲係军臣韓忠彦之親 欽定四庫全書 Call Jane Lithio 離詢籍進任太政未蒙施行者竊以蘭臺秋省所以 讜論集卷四 奏彈吕希哲第一 識論集 陳次升

臣近論奏日希哲係左僕射韓忠彦之親除秋書少監 者人主之操柄宰臣得以私其所親人心其能厭服多 時清議不與自後希哲既以罪斥因緣大赦方行奉復 結甚厚大防當國引希哲真在經幄擢為省郎當是之 金少匹匠 除郡未幾今又有此差除何也若以人材資任言之 屬不當若以宰臣之親言之豈盡至公之道哉夫爵禄 士何以激勸伏望聖慈特賜改正施行取進止 第一 1:1:1:1 젰

设定四事全書 得盡至公以待天下之賢而忠彦獨得私其所親上 省以忠彦之親堅執不回依阿曲狗遂使陛下官爵 不可任秘省論其方起滴籍亦未宜有此歧遷若論 宰相姻親則尤不可如此速進除目既下士論喧騰 乏才能原本 殿陰補入官所至無善状論其才能學問 授至公則人無問言若阿所好則人心不服今希哲既 不敢畏避遂具彈奏朝廷不為施行必是進疑之際 大峻未見施行竊以名器不可假人爵賞所以養德除 識論集

曾未數日又除尚書人言不已方令補外日希哲乃左 射自布石永范純禮之親也起自貶所即除户部侍 推至公為朝廷擇人乃私所親不顧公議王古乃右僕 臣訪聞近日三省大臣竊弄賞罰之柄專威福之權 斷特降指揮取進止 分漸虧威福之柄倒置宰臣如此國家何賴伏乞睿 奏彈王古吕希哲 料忠彦之親也方離謫籍即

火己の車人こう 仍乞令後宰執親戚若是人材資任委實可用並自聖 臣近訪聞三省大臣差除多私其親已開具一二奏陳 伏望聖慈獨奮朝網斷自宸夷特賜施行仍令今後 係宰執之親委是人材資任合行遷擢並取聖選大臣 **峻職位又崇如開除授皆非陛下** 不得干預以明君臣之分以存至公之道取進止 私其所親朝廷如此公道安在人言籍籍甚可畏也 奏彈李祥 識論集 之意出於大臣進擬 Ξ

於聖選耶出于三省進擬耶若出於聖選則可若出於 執政之親也其人其執政之舊也人言如此亦甚可畏 進擬豈能盡至公者乎伏望聖慈詳酌施行無使美官 後人無間言日近朝廷差除士大夫必相謂曰某人 省准吏部牒朝奉大夫太學博士李祥除太常博士須 選大臣不得干預未見作何行遣於今月二十九日本 今祥乃門下侍郎李清臣之子也又有此除授未委出 一論列者竊以爵賞天下之公器也當與寒畯共之而 、某

メニドノド・ハー へこ

之臣為可托耳目之官為可輕臣恐天下之士壅于 取進止 要職省為權要所得而寒畯之士抑鬱不伸天下 并用而不可以偏於後朝廷正而萬事理如以腹心 為之腹心以臺諫為之耳目以相維持以相補助二 臣竊以天子居九重之深不出户而天下治者以宰執 奏彈吕希哲李祥

友色日東 ALS

聞而天子孤立矣此不可不察也臣今論列吕希哲除

識論集

言路以廣耳目之聰明以還威柄無使宰執之專權其 終三省進擬未盡至公清議難屈臣具論列朝廷不為 惟執政之親人材資任委有可用若出審選補當引媽 秘書少監李祥除太常博士未允公議不蒙施行臣竊 員諫省亦當行臣之言豈可忽而不用伏望聖慈主張 施行必以臣言為非臣不當更居言職若以臣尚可備 況吕希哲進任太速李祥除授太頻既是大臣之親止 吕希哲李祥等差除乞檢會臣前奏早賜指揮寢罷取

一人こりこくこう 進止 差除顯是未允況選用人材實係國體若用貪污不 察訪司按發罪狀明甚偶緣大赦遂獲原免令日有此 曾輕授又將以為進用之階也令涇賦性貪污臨事狂 臣伏觀新除朝散郎劉涇知真州採之公議愈日未愈 竊以儀真劇郡最處要衝朝廷每除守臣必須慎選未 了資知處州任情不法殘民害物取脏入已幾至千編 奏彈劉涇 識論集

政取進止 金ケトア 兵有至百萬官中累年所積稍橛兩岸所植榆柳祈 何訪聞種民自領清汴職事所辟官四十餘員所起夫 章惇博登宰府當緣進擢若有過差周旋庇覆無敢 臣伏親賈種民新除直龍圖閣陝西路都轉運使公議 之吏何以砥礪多士伏望聖慈特罷涇之除命以清郡 本俞謹按種民天資險刻禀性奸佞元祐間守楚厚結 奏彈貫種民

阪定四車全書 苦之且商買射利相時而動河若不閉則後期而往 往還公路稅務以到稅額錢數並令撥還清汴司州 種民私意以支錢物漫不釣考費用既無名錢物恐難 <u>的盡官司錢糧所支不知其幾何增築來水堰月河但</u> 用今間不住移文修緝及造天漢等橋費用不貨一出 行毀拆重複勞民虛耗國用不可勝紀月河尚存而無 為舟船之害並無分毫之利朝廷灼見事實狹水堰遂 軟行下州縣自清汴以來十二月河水通行客旅 識論集 河 縣

置茶貨客人長引茶並將以買額害沿路税額茶場所 流洛河之患恐未已也無所領在京茶場差官出外 未計置近者修閉洛口如聞所築堰基址不實河水 修 患又支洛口官錢免買平準務石炭今年洛口物料尚 稅錢有無朝吉施行若無朝古尤為可駭兼聞元豐間 人轉運司應副國家支用清汴司豈得私有未委所 照口則先期而行十二月稅錢自合通計 河置洛確口以緩水勢種民廢而不修是致河水為 計 額

を記りていたす 清議未九況陕西用兵之後災傷之餘宜得忠厚有風 **祈總領是職民何堪命伏望聖慈持罷種民直龍圖** 無忌憚置之深罪孰曰不宜令乃授之清職付以重權 力使者賑恤罷民經制邦儲而種民險刻有餘制事無 取之息未見實數錢物多寡未當會計無洛口公汁 之兵士任意差使或用修橋或在茶場充役河上閥 西都運使仍付有司根磨洛口及清汴司茶場等 水勢衝突恐失限防為患豈細種民恐横違法器 識論集 <u>-Ŀ</u>

永順博下肯意紹聖問詢官在所部者均被苦虐陛下 有三女隨勢炎凉以結姻好項緣章傳之親擢使 臣訪聞開封府界提點梁子美天資險刻善於交納家 將茶場所以之息除諸色官員公人等磨費外實以净 錢物務要的確歸著諸路茶引所収稅錢見虧若干却 公奸險之吏取進止 利幾何無使誕慢及根完違法事件一就施行以警背 奏彈梁子美 為別外

火 三四車全書 L **羣聽前日之罷省郎必以浩之言為是今日又除京西** 尚任府界提點人心未厭會未彌月又有此差除頗駭 蒙罷熟送歸吏部子美獨得幸免又除府界提點士論 扼腕近除省郎中書舎人鄒浩繳駁特行寢罷人以為當 運副必以前日罷省郎為非朝廷除授如此何以信服 即政之初是時與子美同惡之人如張景温董必輩已 天下若謂京西路監司近緣應副欽聖欽慈二皇太后 園陵事皆得進雅子美亦有此除授臣竊感馬京西 旗論集

昇舉陷於泥中京西監司例皆得罪而王博聞權為光 也況監司專一路威福豈宜輕授如向者哲宗皇帝 善交結者得施其巧取進止 部伏望聖慈特罷子美新除仍正告日湖外之罪無使 禄少卿王韶知路州鄧縣獨降遠小處知軍其除授 必同盖因人材而進退之也今子美人品豈宜奉使要 府界只是備辨自京以至中年宿頓而已非京西之比 路應奉二皇太后與造園寢凡百所須皆本路出備 而

純禮近准朝命押北使筵蔗廣主語言報再及御名頗 也正位乎下算早之勢既分則乾坤之位定矣上下之 犯魔君之路馬魯者有誅齒君之路馬者有誅況君父 虧臣卽甚累國體遂使中國禮義之邦為人臣者失尊 之分天下之所共諱其可稱道之乎訪聞尚書右处范 臣竊觀易以乾況君以坤況臣乾天也正位乎上坤地 分既正則君臣之道明矣是以勢位不可陵名分不可

Complete Total

識論集

益每有執議不務曲徇視之如仇遂具論訟所訟之事 臨溢百官伏望聖慈特行點責以明君臣之分無使外 訪開前判宗粹志在貪污军循法守及官程元佐檀宗 金グしてん 臣竊以大宗正丞雖係在官而宗司之事實賴其主行 夷輕視中國取進止 君之道取笑邊睡其為辱命莫甚於此若純禮故犯顯 屬不臣設或有惧則是昏耄大臣如此安可參預機務 奏彈宗粹

沙 之四車全書 議宗室之間冤枉無訴有累聖治欲乞睿音委官取索 雷而及官理曲最少又在大赦前罷任既均仍更衝替 之職事耳竊慮自今已始及官畏憚判官遇事不敢復 御别無脏私止有理曲公罪亦 灰帶前官任内職事張大事勢期於中傷朝廷緣此並 顯是偏重以元佐宗益言之固無足惜所可惜者宗司 罷職任而元佐宗益又有衝替指揮輿議以為宗粹因 公事請屬受脏不輕既以赦原更不議罪脏又不沒 ~ 議論集 例罷職已是輕重不 + 仲

赦合行原免除罷任外所有特首衝替取自朝廷詳 擬伏乞照會 指揮取進止 所斷公案看詳分别元佐等在任內理曲事件情與宗 罪至死檢降特肯其餘情理不至大段凶惡者不得檢 檢會元符元年五月六日動即文命官犯脏罪至流私 粹等所犯比較輕重如委是理曲事少仍更情輕於大 17-帖

有未當法度或有未安臺諫皆得論列以聞若以親而 灰色四草 公書 諫官若係執政之親不以有無服紀並不除授将以 異日緣執政之親而除授臺諫者舉以此為例恐臺諫 微杜漸為萬世之法也令若不許祐之避 免此例一 不言則負國捨親而言之則傷恩故祖宗以來每除臺 避免不蒙俞允者竊以朝廷之事行之乎宰執差除或 臣伏聞新除右正言陳祐與中書侍郎許將有親嫌乞 奏彈陳祐 N. 議論集 防 開

熟在御前呈進文字內臣裴彦臣對君上用手敲守熟 況身居言責豈可默乎臣訪聞今月十三日御藥閣守 免以全祖宗之良法以慰萬世之遠慮不勝幸甚取進 官親附執政而嚴陛下之聰明伏望聖慈特許祐之避 止 臣竊惟人之無禮於君者臣子惡之如鷹鸇之逐鳥雀 頭髙聲道莫錯斬人莫錯斬人顯是不敬無人臣之 奏彈内侍裴彦臣第

禮罪不可赦安可置而不問陛下級不以身之安危為 念其如社稷何其如天下何其如公議何告漢唐之間 題官東國柄制國命者其始於陵慢其終至於跋扈而 不可制今日彦臣悖悍如此豈可忽之而不慮後日之 患乎伏望聖慈特出審斷明正典刑以為官禁之戒取 進止 臣伏見本臺今月十四日據御藥間守熟狀論內臣裝 反之日華 公言 第二 鐵納果

言漸也詩日肇允彼桃由拚飛維鳥言事起於至微儻 |巻其惡益無畏憚何所為而不可易曰履霜堅水至盖 尊如堂堂高則難攀卑則易陵彦臣果於陛下之前 守熟所陳顯屬不敬而有陵上之心若不明正典刑以 容況對君上萬聲肆念而無人臣之禮者乎夫人主之 者竊以官殿之事理當恭肅敢有聲微御所者在法不 彦臣對君上萬聲等事已具申奏乞行根治未聞施行 不防開及其成也終至於不可制陛下當以古人之言 如

大きりょうかい **貶所又有放今逐便指揮頗駭草聽況除奸去惡在於** 勒停送峽州點管物議尚謂失之太輕今尚在途未達 蔓以至於難圖後悔無及矣伏望聖慈特降守熟狀詞 其罪犯宜有顯戮陛下至仁天覆不忍加謀止追五官 付有司考究虚實因依施行取進止 臣伏見內臣裴彦臣近者對陛下喧爭無人臣之禮原 為戒社稷之重為念除惡於未萌消患於未然毋使 第三 識論作

蒙施行本臺令准尚書刑部牒羈管在外內侍裴彦臣 好免取進止 依元降指揮羈管彦臣庶彰命令之必信亦所以彈壓 近因皇太后服藥德音放令逐便檢會紹聖三年秋 臣先彈奏裴彦臣羁管峽州未到貶所放令逐便事未 方行竄逐又令逐便反覆如此何以示信伏望聖慈且 必果朝命既下要在必行今彦臣陵慢無禮罪宜用該 第四 1. 頻

一之子裴誼不可今給事內庭如未施行亦乞一就 發遣 一放編管點管人之文乃引用放令彦臣逐便未應上條 重不可以恕尚未到貶所豈宜釋放無臣先論奏彦臣 示信於天下元符三年十二月十六日德音即無許移 奏裁外餘並取索犯由依條移放竊惟國家法令所以 何以示信況彦臣對君父悖悍無禮涉大不敬情犯深 步軍司在外委諸州當職官自赦書到後除元係命官 令節文諸赦書許移編管羈管人在京委所屬開封府 識論集

次定四事全書

甚取進止 親之心又有疑忌之迹慮懷陰謀妄有交構防微杜漸 宜在早辨伏望聖慈特令裴誼補外以消好惡天 論欣快然彦臣之子裴誼隸籍內庭給事官殿不無念 臣伏見內侍裴彦臣肆其凶悍輕侮君父已行竄逐與 出外伏望聖慈檢會臣前奏早降指揮取進止 第二 奏彈內侍裴誼第

次定日車 主書 賜指揮發遣裴誼補外以肅禁衛取進止 前以為無窮之計也今彦臣既以罪逐裴誼寧無忌心 安不忘危存不忘亡治不忘亂深思遠慮救於未然之 以亂起於未形禍生於所忽古之聖主方其甚盛之時 臣訪聞皇帝皇太后同聴政之日召元祐皇后還禁中 思患預防正在今日除惡務本不可以緩伏望聖慈早 臣近奏乞令內臣裴彦臣之子裴誼補外未蒙施行竊 **奏彈內侍張琳第一** V 識論集

警來者取進止 伏望聖慈檢會臣寮所上章疏審其事實早賜施行以 官禁之中事無大小陛下日夕所聞琳猶敢公行詐欺 有並后之議肆為狡計以敗元符皇后謂其致力佑 復名號元符皇后憂懼心不自安內臣張琳側聞二聖 取受財物暴無忌憚況其他私乎此而不懲何以示戒 遂得不廢多受金珠臣寮常具彈奏未蒙施行者竊以 第二 助

N.10.01 1.1. 臣近訪開臣寮論列內臣張琳受元符皇后金珠事奏 守祠宫琳猶握要權出入禁闥如故公議不與人心未 正琳之罪以示至公取進止 之心豈能厭服哉伏見內臣張琳與馮說共受元符皇 厭以為朝廷法令特為琳屈何以信服天下伏望聖慈 后金珠事狀明白所犯既同得罪宜一說已蒙罪責出 臣竊以罪同而罰均則人無問言罪同而罰異則天下 第三 黨論原 <u>†</u>

金男ロデルノニー **我奸伏望聖慈檢會臣前後章疏早賜指揮施行** 乞施行未蒙賜可者竊以欺詐准盗具載著令官殿之 未蒙賜可緣琳之罪狀明甚情非可忽縱而不治何 臣訪開內臣張琳欺詐取受元符皇后金珠累具舜奏 降付有司根治施行庶使官官稍循法守不敢恣横天 幸甚取進止 盗罪加嚴令琳敢爾顯無忌憚情不可怨伏望聖慈 第四

者皇太后上侵琳既係本殿人自當披髮服孝服以 遂得內東門勾當既非陛下潜邸官屬近又希冒作隨 肆為過惡臣累具彈奏未蒙施行令又聞琳先因干請 臣訪開內臣張琳好凶狡猾尤為貪污去歲與馬說受 元符皇后金珠說已行罷去而琳在職如故憑恃權勢 **祗應人每承惠渥不具思所以報宜何如哉竊聞近** 人特轉一官被恩斯蕃非所當得無琳係皇太后殿 第五 党紛係

金好ですべん 慈特赐施行 哀慕之至琳只依問下人例著紫祇應士大夫扼腕 司勾當人又胃作隨龍人轉官大行皇太后上優係本 臣近彈奏內臣張琳受元符皇后金珠及干求內東門 耶其不忠情狀顯甚若不重正典刑何以示戒伏望聖 琳前日荷大行皇太后之恩如此其厚今日負之何速 祗應人不披髮服孝服等不忠事未蒙施行者臣竊 第六 謂

一致定四庫全書 之實如此其紊也被受皇太后恩顧不啻天地父母 甚也為臣之罪備此三者天下之所共怒法律之所不 實本乎此今琳欺詐以受金珠干求以胃職任貪脏之 召既非陛下潜邸之官豈得為隨龍人以胃爵賞名分 狀如此其著也隸籍為皇太后殿祗應人時暫奉首宣 旦負之不披髮行孝服乃著紫祗應不忠之心如此其 貪鄙息正名分則實不亂誅不忠則臣下勘致治之要 惟國家之法莫重於懲脏吏正名分誅不忠懲脏吏則 (講論集

施行臣竊惟朝廷制法所以待有罪而琳之過惡顯著 聖慈檢會臣前後所奏早賜指揮以允公議取進止 臣前後彈章詳疏其狀皆可考實陛下姑務含容弗忍 臣近彈奏內臣張琳不為皇太后披髮成服等事不蒙 容級而不治典刑安在何以肅正朝列哉伏望聖慈檢 會臣前後所奏早賜施行以允公議取進止 罪然惡不可長古人所戒法貴防開先王所重伏望 第七

设定马車全雪 知稽考迹狀不可不懲伏望聖慈檢會臣前後所奏乞 出外事並不蒙施行臣竊惟張琳等罪惡暴著中外共 降未到貶所引德音放逐便不應係法及乞令裴誼等 彦臣張琳等同惡相濟陵慢君父裴彦臣情犯甚重責 遣胃作隨龍人改官不為大行皇太后披髮王道與裴 臣近彈奏內臣張琳受元符皇后金珠干求內東門差 指揮取進止 第 議論集 ナス

也其事至微有何犯分臣察之家尚許指名奏人隨行 續承祖宗之業位乎天地豈何所欲稱猶領職禁中 悖慢誣奏都監干請但不明言陛下受請求耳今陛下 況天子之貴介弟豈有不可者乎御藥李偁報敢凌 門親事官晨昏啟閉甚勞援例奏留實占役使非有他 下忠信恭敬未當以毫髮之私上干朝廷實以本府 臣竊聞陛下項居潜邸哲宗厚天倫之爱恩遇甚渥 奏彈內侍李偁第 TE. 侮

次定四庫 全書 臣近彈劾御藥李傅誣奏陛下潜邸都監干請乞留都 然不以為慮況係陵侮之迹甚著疑忌之心必生心既 前日任守忠之事爾伏望聖慈體英宗之果斷早賜施 事左右忠臣良士莫不扼腕日夕為憂竊謂古之刑人 行以清宫禁以防後患實天下之福也取進止 不安愿患必審若不早正典刑官禁之中恐開豐端如 不在君側者盖防患於未然慮禍於不測今日安可恬 第二 讀論集 辛

無反側乎陛下宜察其奸謀酌其情犯斷之以義不可 牽於私思乃可以為宗廟無窮之計孔子日小不忍以 之迹今日必生疑忌之心前日已當犯分今日寧保其 雖然恩固可行亦有時而不可行恩重於義則恩不可 致大亂此言當以為戒伏望聖慈檢會前奏早賜施行 以廢義義重於恩則當拾恩而從義稱前日既有陵侮 門親事官事乞正典刑不蒙施行者臣竊惟陛下之意 以傳給事官禁日在左右不忍加罪所以示恩私也

決定四華全書 敢議主威不立堂陸之勢由此虧矣伏望聖慈奮乾 含容忍牽制不斷人人為之寒心竊恐奸惡日職人莫 今日持萬乘之權操威福之柄不即竄逐宜在左右包 憑思橫甚雖天子之至親猶且陵忽陛下躬行受其侮 府都門親事官顯屬陵慢不蒙施行者竊以稱在先朝 無貽後日之悔取進止 臣近彈劾御樂李偁頃當經奏潜邸都監干請乞留本 第三 雜論集 主

施行取進止 進止 度包容未忍加罪稽之公議難屈典刑伏望聖慈早賜 一斷檢會臣前後章早賜點責以消奸惡以安天下取 佛之陵侮琳之貪污皆顯有迹狀泉所共知雖且張琳有 欺詐取无符皇后金珠事未見施行 班有欺詐取无符皇后金珠事未見施行者 御樂李稱誣潛却點干請乞留都門親事 聖

1
1
i
ļ
:
.
.
İ
l
·

護論集卷四	The state of the s				一
四					
				•	卷章
			-		
		<u>'</u>			15-13
		·	•		

欽定四庫全書號論集卷五

編 修臣表 謹覆勘 謄 録

詳校官侍講學士臣法式善

貢 生 臣 王 鄣

大こううくます 腕 情罪亦不可赦伏望聖慈 除彦臣也先得罪而琳之過惡臣已别具彈奏而道 風聞內臣王道先與內臣裴彦臣等同惡相濟協勢 奏彈內侍孫從政 奏彈內侍王道 歌人臣之禮有陵君父之心中外傳聞就不扼 被論集 就指揮施行 陳次升 撰

龍之日從政常預攀附未肆市朝已為寬典然從政猶 全牙正是一个 領使額提舉琳宫仍居近便典刑未正人心未厭伏望 若不利於聖躬原其罪犯国在族滅陛下重念神考飛 家居住者竊以國家宗社至重治亂之機决於定策方 特落省職降一官依舊延福官使提舉亳州明道官本 臣代聞內都知深從政為哲宗升遐之初定策與章博 其危疑之際從政輛敢交通宰執肆行姦謀真摇國體 異論事奉聖古從政理當貶點謂係神宗皇帝隨龍人

聖慈重行贬竄以九公議取進止

奏彈內侍郝隨

機巧以為其心造作非義以感其聽竊弄威福無敢誰 資純粹德性高明而隨是時隸籍官庭給事左右務為 臣風聞有古特復內臣都隨三官臣竊惟哲宗皇帝天

得已而用之罰一將勘百也今隨之過惡尤著天下 與議今方逾年特復三官未審何耶且刑罰者先王非 何陛下臨御之初首先責降以示好惡部命之下頗快

次主四華全書

.讀

遽 臣為之干請置之於罪又朝古嚴宗室門令限都監出 秦朝廷而管勾官劉瑗怒其思非已出乃誣奏都監使 臣 復隨三官之命以副愈言取進止 例奏留占役使此事之小者也非有犯分難行之理干 所 訪聞陛下在潛邸日察知都門親事官有勞遂援故 既屈公議又戾國法何以彈壓姦凶伏望聖慈特罷 共知前日之責人人尚以為輕今日復官又如此其 奏彈內侍劉瑗

官耳率一府之人奉事陛下反敢挾令作威若疎其所 左右雖陛下天地德量容忍不誅其如社稷何其如 陛下誕受天命入奉累聖宗廟暖宜自知罪咎恐懼引 去尚敢偃然無所忌憚握要務受恩施彷徉於陛下之 親用情作悻以悸其所事途人聞之莫不扼腕憤懣逮 之思視萬來之貴介弟如無有也按暖乃本府之管勾 公議何昔晋文公為公子過曹衛鄭三國之君皆不為 入暖乃揭膀府第高鑰中門過為防守若疎哲宗親友

次定四事全書

· 議論集

内侍之政臣未敢謂其無包藏姦惡之心也臣聞而 獻得以修其慈英宗得以全其孝觀暖前日之節陛下 言使陛下之失刑政此臣之大戮也又聞英宗之立非 禮而不議其修舊怨夫伐不失刑禮以立政此文公所 禮馬及文公既入而主夏盟伐曹與衛春秋謂其伐無 内侍都知任守忠意因循遲久未加斥逐反構百端幾 覇也今暖以平昔悖悍陵養之迹猶朝夕親近而領 兩官大除當時諫臣論奏以節度副使安置由是光

JŁ, 險 雖今日聖徳巍巍宫殿清肅必無可開之除然小人姦 次足口車至方 事官及烏鑰府門過為防守顯有陵隸之迹乞正典刑 臣近彈奏劉瑗充潜郎管勾官日誣奏都監干乞留 之立豈暖所欲既懷疑忌心不自安焉能保其無他 操心之危慮患之深造事非一端可料安得不思患 豫防之也伏望聖東特正暖之典刑以慰中外取進 第二 議論原 耶 親

啟 瑗以為不當留是誣所奏以與朝廷頗玷聖德又府門 天縱項居潛即御下以公事上以信中外之人莫不傳 已出乃誣奏以受都監干請之私例而奏之非有欺也 下之分且如奏留親事官為其有勞也暖怒其思不自 聞暖為本府管勾官知之光為至詳報敢陵熱不存上 未歲施行須至再瀆天聽者竊惟陛下聖徳淵懿出於 '閉自有時限暖乃揭牓府第過爲高鑰待陛下如何 耶瑗之悍悖不忠所事如此宜即誅夷今陛下

巷五

苦為官僚之舊不忍加誅陛下恩德如此何員於暖暖 大統廼厚授恩施寡左右恬不防閉雖聖度包荒憫暖 是陛下為暖屈公議而撓法也法者天下之所公共天 以為戒兼聞暖自懷疑懼屢當請去小人之心疑懼既 大義不可徇以私恩孔子曰小不忍以致大亂此言宜 之員陛下實多亦當以社稷爲念較其熟輕孰重斷以 生防患之慮何所不至竊恐别至生事若不早正典刑

次を四車全書

. **議** . 論 . 集 子不得而私昔漢昭平君隆處公主之子也醉殺主傳

责取進止 者之親乎兼聞當時更有內臣一名同暖經奏都監干 請留親事官臣不記姓名亦乞勘會請實一 良久曰法令先帝所造也用弟故誣先帝之法吾何面 廷尉請論武帝曰吾弟有是一子以死屬我為之涕泣 私撓法暖雖係隨龍之人其待遇之思豈宜過於帝 入高廟乎又下員萬民夫昭平君帝者之親尚不敢 **野文待制陳公讜論跋** 附 就重行點

名播青史豈非所謂出類拔萃者乎僕與公商孫希 首南 渡以前人物軍出惟端明察公及公大節表表 **段竄殆盡卒不為小人所害公一言之力也當評吾** 乎然為臣子者思君愛國之情不能自己元祐君子 世道不變而爲宣和矣噫君子小人之進退係天下 公奏議不至有奉天之辱使宋能從陳當時之謹論 漢武帝從汲點直諫不至有輪臺之悔唐德宗從宣 大氣數是時日將映矣一水而能支大厦之傾頹

次定四車全書

·職論.集

箭狀元坊獻可鄭程敬書 點有舊一日袖具書示教曰此吾祖謹論也監手莊 惜堂下萬里不悟也至元二年丙子上元鄉貢進士 誦乃知古人視國如視家朝廷一事少差必形諫疏 處于仙谿龜峯之下公少小時庭前有荔枝樹少熟 公諱次升字當時行第三十乃十四朝議之次孫正 議大夫之次子母王氏二十九娘東波人贈碩人族 待制陳公行實 阳

時華所印可長遊鄉校優先諸子鳴當月試夜歸境 書一過即成誦及外角喜操觚弄墨出一二語輕爲 之乃公也正議公心甚喜之而不自負方發蒙時讀 避待制公窺之寂無人迹乃知神物之顯異也熙寧 有神堂祠者為一鄉之靈迹公至其所忽聞呵聲曰 六年癸丑余中榜賜同進士及第是時公之伯仲如 公登其上正議公畫寢夢有祥龍蜿蜒其上起而視 知縣公次顏教授公次寵士曹公次宗皆力學起家

次定日車全書

強論集

為難治前宰以失職去官時州從事攝政及公下車 從事首告公以此邦獄訟最繁當版大獄字公曰子 至賴其奸狀即日伏辜郡将以此喜公力薦于朝除 無留獄前此有猾吏鍾四者盗發官帑按驗不服公 間里稱耀公初調度之獄掾度為江西劇郡齊民天 性豪悍動相爭擊淹縣囹圄自公視事剖决精明庭 何不教我以無刑乃教我廣獄耶卒不聽公一 州防禦推官秩滿改宣德郎宰密之安丘安丘號

來知朝廷青苗免役等法民安之否公條疏其利病 首肯之得古與監察御史公一入臺糾察底務振刷 上問有肯促公到闕召對便殿上首問公以卿自外 法之為民病寤寐其才御史中丞黃履以公薦未赴 服元豐七年甲子移英州食判適神祖末年深厭新 章以忠和愷悌為政民訟于庭者案贖相即公以理 且曰聞陛下慨然悔悟之意遠方之民日有生氣上 開曉之皆心服而去踰月從事行縣而圈空於是嘆

次三日華三日

識論集

道陳訴官司抑配買鹽之弊公遂機州縣即為那移 遣公按察江南西路公即駕軺車一入其境百姓遮 父子鐫降有差五月遣公按察提舉判湖元祐更化 勞州縣欺罔朝廷時正言王公觀亦論列之蹇序長 均減回奏漕臣蹇序辰父子虚張鹽額勒令承買煩 輕朝廷當考其煩急掊克與弘慢者議遣使按察會 宏綱風采凛然權貴褫氣上嘗以諸路監司責任不 上晏駕不果元豐八年二聖臨御體先帝遺意四月 卷五

界三路或家止有一丁病患未該破丁者及第五等 言事無隱初保甲之行貧民苦於冬教元豐末部府 時名流如劉擊蘇轍范紀仁王嚴叟等並居言路公 民王文公用事之日獻利之臣惟務拾克上供之外 以下土地不及二十畝者並免至是有衝改其法公 之挺直不減諸公而和平温雅過之公以幸遭明時 上疏力爭乞依元豐八年指揮以安存貧下老弱之 公乃還朝供職二月司馬文正公當軸登用正人

欠いこのいろいかはか

議論集

事可也既而荐以則章其人益感處且服公之德量 雪無非切中時病未幾九月文正公即世諸賢已有 官置局許之訴理庶用法過當事涉免抑者皆得伸 别置封椿錢皆溢數以取於民公皆乞罷之又乞張 及公之來負慙求去公曰吾不以私廢公子盡心民 之泰然有部吏者初公微時宰邑優遊嘗與公有際 公去國未踰月而朋黨之事起矣公雖自中補外處 攻之際公乃力馬外補十月得語提點淮南刑獄

次定四車全書 甫及一年易節詳刑准東時諸道监司奏課惟公為 除監察御史時參用照豐舊黨善類繼引去公處屋 老吏莫肆其姦巧律令格式為之一正八月遣公提 中都扶觀歸里雖寒月而犀屢不徹免服之日不肯 最到關除兵部員外郎就職前月餘丁內外製公自 病至則首舉行之吏民相安惟恐其去紹聖二年再 赴闕有肯仍公至則除刑部員外郎公明練典章雖 點判湖刑獄公元豐間司按察日已熟識一方之利 職論 集

覆數百言仍奏臺諫官當出聖選如近日監察御史 貨游幸之日天乃大風豈非愛佑陛下而使覺悟乎 儉過 于夏禹有司不能宣明德意所造之舟 其费不 上嘉納焉閱月除殿中侍御史勸上收威福之柄反 百金之子不倚衡聖主不乘危不徼幸又言陛下勤 欲幸金明池所造龍船極工巧言千金之子不垂堂 小之中挺然特立每朝廷有政事輒慷慨力爭上當 三人關命翰林學士御史中丞共為三人所召者二

執政近臣宣能免天下之議此源若開臣恐異日臺 用人用人之要莫大乎辨那正何謂正知君父為尊 對視其人才去取出于聖斷又言為治之道莫先乎 從而擠之執政之所喜則從而譽之不顧公議惟執 而不麗于權要所謂正人也何謂邪執政之所惡則 諫阿附權臣而員陛下矣今後若近臣薦舉並須召 私恩所謂邪也故古之聖王以治道爲本在於進退 人而已未審出於陛下之意或出於宰相之私若出

次至日奉全書 ~

識論集

ケー・レーム ここ 或一年之間屢進論其人則無可稱之善或陛下之 為朋黨所此時禁中失火公言灾異之來必有所因 柄進賢在於必果無為奸人所移點邪在於勿疑無 此則豈足以盡天下之公議哉望聖慈收還威福之 命一下招紳必相謂曰若非權貴之親則門下之士 而天下所共棄賢必任之而天下所共喜今朝廷除 所點而握用愈速姦佐貪污因人所論其進益鋭如 人才進退人才乃人主作福作威者也故邪必去之

警戒之竊聞陛下謙冲退托下詔損常膳避正殿罷 變異常恐其不逮內則小心以求諸已外則下詔以 秋宴求直言此盛徳之舉社稷之福也然考之政事 愚者之言或有一得無幾聖政有補萬分又因星變 求直言伏望聖慈追而行之上答天變下達民情償 戒故祖宗以來聖徳可謂盛矣治具可謂修矣每遇 上疏曰自古有道德之君天必爱祐之時出變異以 自古聖王徳雖甚風世雖甚治必恐懼修省祗肅天

人とつうとう

最尚樣

諭大臣遵守物膀未施行問今欲以人言之失致之 等以上書得罪則前者物榜殆成虛文宣不有傷國 責降日大防等節文有其餘一切不問之語今汪決 增過元祐臣像適汪泱李仲等送吏部與合入差遣 東施行底使變異自消福祥自至時大臣据摭舊事 先朝有星變必須頌赦思以滌幽枉臣欲乞斷自聖 體繼又差官置局編排元祐章疏公言臣近奏乞宣 録黃行下以元祐問所獻文字得罪公言紹聖元年 卷 五

金牙口屋人

て.ラ. こう 進用甚速豈能厭服人心凡十上章乃罷種職初蘇 書省周種除著作佐郎公奏謂館閣所待天下之英 頌罷相來之邵言鄒浩交結頌之子弟臘遷博士朝 才人才之所先者莫先於履行種之履行無取朝廷 無狀以大臣親昵私相薦引特乞點責以警官那秘 父秩行狀申國史院盛譽安石武誣先帝駕庸肆爲 有過之地則初年詔令當許自新適所以惧天下疏 入不報三年十月侍講官常立上殿公奏謂立嘗以 黨局集

附會權臣妄有彈擊命下之日措紳成以為冤今朝 十二月權左司諫時章蔡以公乃神廟親權元祐問 諫官以言為職既有見聞必須上達其言儻是則當 以爭役法不合左選軍壘公言免役之法實欲便民 廷公明宜在昭雪特乞改正以副輿論左正言孫諤 廷以治教授襄州公言浩學問該博行義修明言者 多持節在外未嘗顯用謂公必怨望紹聖初特除言 納其言或失亦在曲全以示朝廷之容德也三年

卒不行會朔方河潰民移大臣欲乘問出公總漕計 章蔡益衛公屢於上前媒孽其短賴上知公朴忠計 進呈謂非陳其不可上顧徐曰一轉運之才何難得 府卿林顏致誠惟於公曰昨自湖外來復登憲府皆 榜反覆繼論周種常立等自此章察始不悦當令太 官欲其出力排元祐舊人以為已助公至則首論勃 不知其他公為卿監乃為宰執傳風音耶顏愧而去 已之力苟相助何患不得美官公曰某知守官而已

次定日奉全書

識論集

筆親捏可除左司諫公力辭不就適會布奏事上前 對方造膝上處曰久不聞柳讀論公再乞避言路上 陳某敢言不當令去左右數日公乞罷臺職章上御 良肆行謗毀欲盡真元祐臣僚於死地朝論籍籍上 曰朕親擢卿復何辭公益感属自奮時奸人擠陷忠 亦疑之因公奏對上顧問近日朝廷有何議論公遂 下得人上曰尚未肯就職公知眷注之隆遂受命登 上因語之曰朕除陳某諫官廷議何如布奏皆謂陛

奏曰臣聞小人横議摇動宣仁微號如臣所聞宣仁 全元祐臣僚今乃欲殺之何耶上曰無之卿何爲出 欲盡殺元祐黨人公聞之亟見上奏曰陛下初欲保 文館獄竟不得其要領乃更遣吕升卿董必使衛外 勿聽銷骨之謗上首頷之者再元符改元京等與同 風間尚有所聞當以忠告陛下不當話臣所從來願 虧聖孝且失人心上竦然曰卿何從得公曰臣職許 保佑聖躬終始無間若姦臣疵毀軟有議論不惟有

次足四草全雪

識論集

Í 惠卿之弟元祐問負罪家居其人資性慘刻善求人 此語公曰以升卿爲廣南按察豈非殺之耶升卿乃 皆諷有言責者之默默也公獨氣緊挺挺吳錢不避 規避不敢言如玉山子客問之作田承君墨子之詩 陳當時有功于元祐人居多瑶華獄起一時諫官皆 然大悟即日罷升卿按察職元城劉公安世聞之曰 過今使擁使節元祐臣僚遷滴之地理無全者上繩 上疏乞寬掖廷之獄寢華陽之封二疏入人皆危之 老五

之意已不可回會一日奏大理觀望多致濫獄盖武 烈蓋陰諷焉上雖采公之言罷宗景點楊氏而建立 謂觀望陛下以激怒耳上點然又以嘗劾章博奏入 章蔡之時刻也上問大臣曰陳某言觀望者何下奏 唯而退出告王鞏鞏謂公曰胡不曰諫臣任耳目之 郡王宗景以侍姬楊氏為正室公上疏力爭言多激 而公獨凛然辨果不勝而中宫將它有建立適濟陽 不報一日陸對上謂公曰章惇文字勿今絕了公唯

次定四種人子可

強論集

習故態觀望言事之語上以湖南地遠當選江南章 代傳者於是傳等抵戲求罅無所不至而掖廷愈欲 官帝王猶心也心所不知故耳目為之傳達心若自 公去二年五月貶全州酒稅制詔有陳某元祐中所 公後數日再對上語及博公如輩所言對上曰未有 知何用耳目陛下既知博胡不罷斥更須臣等文字 察遂移公南安軍南安地隣梅嶺瘴癘之鄉上初不 上章疏誠毀先政朕嘗含容其過無使自新復敢祖

虚懷可侍御史公既至上以公歸自嶺海問勞再三 之助事有不當於理臣有不協于極悉意抗論副予 商籍處以横楊使參中司推爾平日之心為予初 政 屢膺耳目之寄有聞必告處人所難朕惟汝嘉起自 虚位未稱朕意為國司直爾惟其人惟爾敦厚清明 日朝知廣德軍陳某朕收集忠良布在言路而臺端 知及謝表至上始悟焉將舉移而上已大漸矣繳廟 入繼大統登用正人詔起公知廣德軍四月降制書

次でラランコ

議論集

集以獻力辨其非不賜施行至是公上疏爭之且言 彰聖孝之至凡四上章時陳雅都治襲夫等同在言 神考一朝大典價容史官任其私意紊亂事實何以 手自編寫奏對日録進入重修左司諫陳瓘為尊堯 中語修神宗實錄至紹聖中曾布阿章惇蔡卞之肯 脩身四曰仁民五曰崇儉六曰用人上俞允之元祐 上言謂神廟實録司馬光等記事不實乞用王安石 公退而上六事凡數千言一曰法天二曰稽古三曰

全いした 生

次足四年公野 論列之傳由是遠謫雷州先是諫官言京下兄弟同 路天下拭目新政公等尤以指斥奸臣為引善類爲 惡相濟迷朝誤國宜正典刑於是下謫居太平京出守 遂有潭州之命公又言貶竄太輕未快與論又上疏 博包藏陰謀助尊私史擅興軍旅妄誠宗廟數事博 江寧公至是又言察下備位政府肆行奸誤竊弄賞 乖謬於是博乞罷政公又率同僚陳師錫陳雖等言 任九月公言章惇自登揆政任私言奉使山陵措置 識論集

復耕公乞罷役且正其罪商英落職知隨州錢適除 罷京職名又言京親昵閱官漏泄官禁原情麗辟宜 **奉小交通內外今電以端殿委之帥府委是失刑尋** 候朝古開臨河界沙河虚費人力三十村之民不可 罪大罰輕未憾衆議又言好邪去險陰害善良呼吸 罰私報恩警時人目為笑面夜义今又分務仍居善 即投荒京由是提舉洞霄宫河北轉運使張商英不 地何以懲奸尋移下池州公言池與太平乃是隣壤

エラし

次定四車全書 一 之官及親聞德音謂其假肇名為父撰墓誌銘撰銘 誌又假肇書受豪户金有無未白肇今為翰林學士 殿中侍御史公言錢適假會肇之名為一豪户撰墓 在都司日游章傳之門肆為董毒時安意為門下侍 可問而知若果有之盗訴之人豈可以任天子耳目 圖閉待制知楊州公言序辰紹聖初以蔡卡引援真 初無利害尚爾欺詐若論列朝政利害有大于此者 保其勿欺乎後章再上通竟罷臺職蹇序辰以龍 旗論集

罷執政王震亦以罪逐兼序辰又以元祐理訴為非 郎持論端正惇甚惡之序辰陰蓄奸謀乃令王厚造 為誇言博則乞起大獄名為取問更不審録安壽遂 賈種民除直龍圖閣陝西轉運使公言種民自領清 毀入衛乞看詳責降乃令安傳請其事自是緣訴理 承流藩府伏望特行點責序辰由是除名放歸田里 **汴職事所辟官四十餘員所役兵夫至百萬增築狹** 禍者七八百人衣冠塗炭莫此為甚今尚居從班

事實狹水堰遂行毀拆月河存而不用今聞不住移 務要的確又公言陛下紹天明命入繼大統發謀定 苦之兼所領在京茶場所收之息未見實數而洛口 文修築及造天溪等橋費用不貴報行下州縣自清 民職事仍付有司根磨洛口及清汗司茶場處財物 **汴以來沿路稅務收到稅錢並令撥還清汴司州縣** 公汴河兵士任意差使恣横違法略無忌憚乞罷種 水堰月河但為舟船之害並無分毫之利朝廷灼見 ~ 南溪

策盡出皇太后獨斷國勢已定章傳猶肆異論曾布 宦者深從政當議立之初與章博異論至是已落省 萬世布等掠定策之美名掩太母之威德其累非細 職降官官觀公奏謂國家宗廟至重方其危疑之際 則曰與參顧命于將則曰獲參顧命若不改正傳之 許將當日皆在簾下不聞一言先斷大義今命於布 神宗有攀附之故猶當貶竄御樂閻守熟奏事上前 **郵敢交通宰執肆行姦謀將不利於聖躬念其當於**

金好四库全書

內侍裝彦臣以手敲守熟幞頭高聲道曰莫錯斬 靖國改元擢司大諫時章蔡雖已去國而韓忠彦之 隨之姦狡李偁劉瑗之陵侮公皆極力彈擊之建中 禮罪不容赦凡四言之彦臣遂斥荒外以至張琳郝 莫錯斬人公奏彦臣敢於御前肆為不敬無人臣之 雅言皇太后已復辟而猶預政出守泰州公言雅以 風聞論事偶有失實私緣京等肆其奸詐僥倖進用 弱不足以勝魯布之姦薦引除授多任己意司諫陳

賞伏望特賜召還獎進言路續又上皇太后書且言 謂之不可遂行寢罷今又有此差除命令反覆如此 雅之言乃得于傳播之妄烏可為風德之累欲望不 本實爲國今大好既逐罪人斯得雅之功也宜在可 倡為此言齊嚇臺諫雖既聞之遂具論奏言雖過當 鄧洵武同修國史公言昨以洵武為史院檢討朝廷 何以明是非别賢否况洵武父館昔為御史中丞為 以瓘之言為念而以來忠讓安社稷為心秘書少監

金元四点全書

景温董必等皆家罷點子美幸免又除府界提點士論 扼腕近除省即中書舍人那浩繳駁持行寢罷人以為 被凌虐陛下親政之初是時與子美同惡之人如張 結項緣章惇故權使湖外紹聖問謫官在所部者均 梁子美除京西轉運使公言子美天資險刻善于交 循分守今洵武豈能公心直筆以發揮神考之盛德 底裏親批聖語云持心頗僻賦性回邪論事為人不 王安石求賜第薦其子男及将蔡卞館職神宗察見

次定四車全書--

1 論集

席獨擅國權如移臺諫一事可為寒心欲特乞正布 當會未踰月又有此差除朝廷除授如此何以信服 辨正之及就館以李儼立辨用花之禮且曰南朝亦 出使契丹及境接件使來公設席用花林使人不受 之典刑以謝天下章凡十上而布巧于固位八月公 天下又言右僕射魯布性禀姦邪心懷去險自登宰 在亮陰中公曰本朝故事虞王科廟後百官吉服惟 公亦不徹公路多不遵故事但曰今新主也公一切

次定四車全書 費白日兩朝亦子之福也崇寧元年還國公出使之 誓為題如聞近日求為靈端是否公曰祖宗盟好誠 聞三載四海過密八音未嘗禁花儼詞屈就席如禮 十一月曾布進紹述之說於是上次意用京使還之 不聽樂儼曰花樂相須既不聽樂何故用花公曰當 回天矣四月以寶文閣待制出知類昌府京等姦言 日京之黨與布滿津要公雖得古試給事中而力莫 仍告公曰道宗皇帝廷試進士賦當以南北永敦信 職論集

方而適當江西首倡異議以致惑流俗依憑厚枉幸 符后罪以公當上書之故任伯雨張庭堅等並罷點 莱州是時京等報復私怨紛紛不己十月論欲廢元 其時變附會姦臣幾竊名位遂落公集賢殿修撰知 言公元祐初檀欲取先朝約束紛更之于是遣使四 治至降公充集賢院修撰而吳材王能甫尚肆醜試 者罪周常等二十八人並責罰而公自濠州移臨江 而公罷居濠州十一月論元符末變更法度為元祐

次の日本日 章疏誠致先朝者並編管廣南諸州而公貶循州先 之奇等十人並鐫降而公復除名建昌軍居住二年 軍十二月論棄湟州罪以公嘗論可棄可守之策蔣 則幅中黎杖詩酒自娛雖居瘴雨蠻烟之處而草石 蘇公子由亦貶其所公繼之來頗能淡而無慊暇日 正月中書省檢會前諫官陳瓘鄉浩等十三人會入 温剩未當過而問為二公既去那人即其當遊玩之 地為堂祠之名曰蘇陳堂又有台隱堂至今循民崇 議論集

そりにた 心事 朱級與公皆元祐姦朋訴經宗廟今任牧守豈能奉 元符問黨人以次敘復公朝奉大夫知漳州京等復 方長竟天概然悔悟特加英斷命毀石刻碑應元祐 等姓名立碑于文徳殿之東後上因天變彗星出西 奉之惟謹四年京等籍元祐黨人司馬光蘇軾秦觀 用力誠毀以知江南府徐動知度州郭知章知福州 四年十一月蔡京罷相十二月復公集賢殿修撰政 行法令體朝廷紹述之意遂差公提舉明道官大觀 卷五

次モワ東と言 表終于私第計聞特贈太中大夫公有行狀一集讓 愈之女告州人封令人再娶李氏十九娘開封人上 亥三月十五日卒事年七十有六娶朝請大夫郭師 和八年復實文閣待制宣和元年上章告老續上遺 尉曰安禮承奉郎曰安强承事郎次二人早亡女一 男一女男曰文伯曰安仁早世曰安義湖州長與縣 人適通直郎邵武軍判官林顏好一人曰安國朝奉 一集見傳於世公甲申九月癸酉日甲寅時生己

全りに足 べこ 州簿尉再任楚州司理兵曹長子曰永世宣教郎 郎致任乃公郊奏補孫三人曰永年廸功郎初任 州永福知縣十四知縣是也曰利賓修職部德慶府 十三提幹是也曰大年初任監泉州石井鎮後任福 兒時己薪然見頭角衆皆知陳氏 水縣丞十九通直是也公生類悟雅有大志方為 尉兵曹弟三子姪孫三人曰永言廉州石康縣尉 江軍清江縣兵曹次子曰永思連功郎吉州盧陵 右待制談議大 知

次定四車全書 一 列凛有風采屬諸賢相攻力馬補外紹元問既入復 臺察泰陵初政縣荆湖持節歸復官如初其前後論 謹論其出處大致公猶子南安丞安國序于編端為 統超公詢籍中再登大坡遂彈曾布劾章博攻二蔡 甚詳僕竊悲公之直道不得行而當時國事可為流 涕而長太息也公受知裕陵自外僚召對關庭遂除 夫陳公奏議二百七篇總二十卷取哲廟聖語標曰 柄國者常遣所密諭意而公執論不渝追敝廟繼 * 論集

召還公與瑩中志完二三正人在朝亦未必局面再 祐之初使司馬丞相未即死章蔡未至大用未必局 修門豈非公之直道不得行而大可悲也欺雖然元 變而為宣和縣是言之豈非當時國事可為流涕而 面一變而爲紹聖建中之後使元長終于奉祠不復 **諤諤不能勝衆口之結結至使一墮瘴鄉終不復入** 章各數十上是以祖軍切齒難然而攻者不少緩夫 何公遭遇三聖之厚而獨不為犀小所容蓋一士之

次とのるという 海者皆名香史籍回視前日之小人為世味馬自狗 當為擊節三嘆云告泰定甲子新元夏五紫蓋山逸 民陳士壯則中再拜手敬書于泌山布點精舍 長太息也歟嗚呼小人之得志于一時靡所不至其 **該誣諸君子皆指為姦黨及公論既定向之流落嶺** 氣節大略相似使文忠及見是編不獨稱之曰遺直 不若又孰榮孰悴孰得孰失哉昔蘇文忠公序 聖奏議以古遺直許之公與文忠皆元祐黨人 機論集

謹論集卷五				3	
五			 		
				 ار د د	卷五
	,				
				-	